

Այսոքիկ գրեանք ընթերցան 'ի ժողովի այլազգեաց ,  
 և Քաղաքապեան ստիպէր զԻատաւորն կատարել զհրաման  
 Բղէշխին . և 'ի չառնուլ նորա յանձն՝ ցրուի ժողովն :

Եւ ապա կոչեալ առանձին զՀայս ցուցանէ նոցա ըզ-  
 գիրն , և զարժանաւոր պատասխան նորին : Ի վաղիւ անդ  
 կոչեաց զնոսա Քաղաքապետն և ընթերցաւ առաջի նոցա  
 զգիր Կուսակալին , եւ խնդրեաց զտուժար կանթեղաց ,  
 պատկերաց , շինուածոց և այլոց իրաց , որք եղեն յերիս  
 տեղիս : Հայք ետուն պատասխանի՝ չիք մեր արարեալ նո-  
 րասահման ինչ՝ այլ որ ինչ միանգամ եղեն հրամանաւ  
 Արքայի և 'ի ձեռն պաշտօնէից և ձեր եղեն և կատարե-  
 ցան , և գրեցաւ Իլւճ և Հեօճէլի և առաքեցան 'ի պատ-  
 շածաւոր տեղիս թէ՛ ըստ հրովարտակին Աէլիմայ երկու  
 ազգք բաժանորդ են 'ի նոյն տեղիս , զամենայն ինչ դուք  
 արարիք՝ որպէս գիտէք , այնպէս գրեցէք . զի մեք 'ի սեփ-  
 հական տեղիս մեր՝ անկախ , և 'ի բաժանորդս՝ բաժանորդ  
 եմք , զի եթէ է ոք դատախազ՝ ինքն յայտնապէս խօսես-  
 ցի , զի աւելի ինչ ոչ եմք արարեալ՝ և եղեալքն հրամա-  
 նաւ ձեր եղեն : Եւ սենեակն Բեթղէհէմի , որպէս գրեալ է  
 Կուսակալն , ոչ է այն սենեակ , այլ պահարան 'ի պահպա-  
 նութիւն անօթոց , եւ այն եւս դարձեալ զիտութեամբ  
 ձեր , այլ զտուժար կանթեղաց և այլոց իրաց ոչ կարեմք  
 տալ , զի Արքունի գրեանք ոչ յայտնեն զայդպիսի ինչ :  
 Իսկ Քաղաքապեան ստիպէր զնոսա ասել՝ որ ինչ եղեն  
 'ի ժամանակի բաժանորդութեան , և զայնուսիկ համարեսցի  
 նորասահման իրս , և որսացեալ բան ինչ՝ 'ի բերանոյ նո-  
 ցին՝ արկցէ զնոսա յորոգայթ իւր , և այնպէս պատասխանի  
 արասցէ Կուսակալին : Այլ նոքա միշտ զնոյն բան երկրոր-  
 դեցին , հրամանաւ Արքայի 'ի բաժանորդ տեղիս հաւա-  
 սար լինել Յունաց . իսկ որ գրեալ եցոյց Բղէշխին հա-  
 ւաստեաւ զթիւ պատկերաց և այլոց իրաց՝ իբր նորասահ-  
 ման՝ նա վկայեսցէ և ամօքեսցէ զնա : Ընդ այս շառագու-  
 նէին երեսք Քաղաքապետին , եւ ինքն երգնայր թէ չէ  
 գրեալ ինչ . իբրեւ ոչ կարաց որսալ բան ինչ՝ 'ի բերանոյ  
 նոցա , սկսաւ թախանձել զԻատաւորն և զմեծամեծս այ-  
 լազգեաց գրել Իլւճ և հանրագիր վասն եղելոց , զի մի  
 ինքն ստախօս երեւեսցի : Իատաւորն զայս միայն աւնէր